

四庫全書

集部

欽定四庫全書

宋詩鈔卷九十八

內閣中書舍人吳之振編

鄭震清雋集鈔

鄭震後更名起字叔起號菊山閩連江人早年場屋不利棄舉業更讀書客京師三十餘年歷主於潛諸暨蕭山學晚為安定和靖書院堂長又開講於平江無錫伏闕論史嵩之淳祐丁未鄭清之再相震登其

門罵曰端平敗相何堪再壞天下被執與子女俱下
獄京尹趙與籌縱之鄭罷相乃免與林廌齋周伯弼
為行輩詩有倦遊稿仇山村選四十首為清雋集所
南作家傳云得詩十五篇此蓋流落交遊間者所南
未之見也

鄂州南樓

淳祐六年冬十月我來獨自上南樓曉霧江山都不見
霧收日出城東頭照見漢陽樹照見鸚鵡洲浪濤江漢

出岷峽洞庭雲夢天共流大舩如龍捲寒碧小舩如葉
飛洪溝湘靈霞珮跨黃鵠洞庭玉笛橫清秋沈寥冥兀
不可狀開闔風雨晴煙浮空中一一都照見照見今來
古往絲粟無限愁夜郎逐客心膽大醉欲槌碎醒又休
此山此水長不老英雄消盡山水留何當大雪夜明月
摩挲老眼看九州春風吹雪變紅錦牛羊被野邊無憂

飲馬長城窟

飲馬長城窟下見征人骨長城窟雖深見骨不見心誰

知征人心怨殺秦至今北邊風打山草地荒漫漫五月
方見青七月霜便寒古來無并飲膏帶糧盡乾自從征
入掘此窟成馬飲之如飛翰朝呷一口水暮破千重關
秦皇極是無道理長城萬里誰能比

樵歌三首

上山斫山山丁登下山嵌山山後層秋殘日暮歸來晚
茅簷洗脚月又明明朝早入芙蓉城

入城不識公與卿行歌道上傍無人衣衫藍縷鷄百結

與妻索笑妻生嗔那知不是朱買臣

山坳築著牧牛兒白石鑿鑿蒙茸披繆公無人寧戚死
獨吹觥粟誰得知不如採樵同路歸

採桑曲

晴採桑雨採桑田頭陌上家家忙去年養蠶十分熟蠶
姑只著麻衣裳

天高高

天高高兮色青青夜沉沉兮星熒熒不知余命何所繫

分何星

送友人之淮

積得讀書身從教此道貧逢秋為遠客知已是何人天
下方多事西風至不仁但於登眺處杯酒莫辭頻

歸去好

歸去豈不好平田帶淺林春猿鳴雪澗晴日轉雲岑世
久無鳴犢時當學展禽吾生今老矣梁甫豈能吟

病後

漸懶說功名脩真喜道經淒涼秋聽雨空濶夜觀星有
病色先見無心夢最靈皆前風葉響還又感飄零

餘杭道上

五年茲路上頻往又頻還歲月孤松老風霜苦竹班溪
流天目水雲出洞霄山馬上因閒眺蜉蝣宇宙間

餘杭界早發

早發促程期籃輿帶月低山中如白晝斗下渡清溪羣
動霜初落四鄰雞未啼惟聞兵遁鋪星急過淮西

喜靜

素來嫌僻靜今漸與相安師友凋零盡年時出處難春
風雙屐暖夜雨一燈寒洙泗曾顏輩何曾作好官

宿洞霄山中

入山時八月嵐氣似深冬巖洞生風雨窠窠落檜松山
中九重鎖月下一聲鐘警省非人世今秋得異逢

宿虎丘

到晚歸不去因而此宿休雲深千古寺月冷一天秋崖

裂池如東天虛塏欲浮最宜初日上高處看煙收

登荆南城樓

因為古荊州翻成一段愁
孟嘉曾落帽王粲此登樓
唐鄧通襄路沱潛並漢流
太平官府盛昔日久來遊

再登南樓

客中重上倚層臺天濶雲收八面開
雁帶岳陽秋曉過浪涵已峽影西來
諸營種柳今何在老子登樓得幾回
自是江山雄壯處興亡不必問寒灰

白黃山還途中所作

屈指還京十日程每逢歇處問村名
春沙脉脉溪初漲夜雨垂垂曉又晴
山下有人傳虎出店中炊飯見牛鳴
天涯行客無寧日不及田家業在耕

卜居

久欲謀歸力不任浮雲蹤跡漫巢林
功名未入屠龍手貧賤常懷買鶴心
月下開門微雨過樓頭聞笛二更深
世間萬事俱陳迹空倚西風閱古今

爛柯山

春風萬古洞門開
塵世興亡是幾回
碁局至今無處覓
樵人於此過仙來
飛梁橫跨丹虹影
絕頂平鋪白玉堆
天下紛紛無好著
斜陽下嶺共徘徊

荆南別賈制書東歸

來時秋雨滿江樓
歸日春風度客舟
回首荆南天一角
月明吹笛下揚州

送友人之鄂

湖海聲名落楮紳由江而鄂遡鱗鱗煩君黃鶴樓頭看
天下英雄賸幾人

晚春即事

輕寒時節牡丹開葉底青青又見梅門外數枝楊柳薄
一春鶯燕不曾來

荆江口望見君山

荆江江口望漫漫一白無邊夕照寒只是青雲浮水上
教人錯認作山看

虎丘尹和靖書院示開講

從前聽者少
是日聽者多

和靖書堂八面開新分半席在山隈若無人聽都歸去
傳語生公借石來

宋詩鈔卷九十八

欽定四庫全書

宋詩鈔卷九十九

內閣中書舍人吳之振編

謝翱晞髮集鈔

謝翱字臯羽慕屈平托遠遊乃晞髮子福之長溪
人文丞相開府延平翱以布衣諮議叅軍天祥卒亡
匿所至輒感哭挾酒登浙江子陵釣臺設天祥主亭
隅再拜號哭以竹如意擊石歌曰魂朝往兮何極莫

歸來兮闕水黑化為朱鳥兮有味焉食歌畢竹石俱
碎詳西臺慟哭記欲為文冢瘞之臺南後往來杭睦
間與方韶卿鳳吳子善思齊等厚乙未以肺疾死囑
妻劉以文與骨授之方有許劒錄其會友之所名汝
社取晚而信也每執筆遐思身與天地俱忘語人曰
用志不分鬼神將避之古詩頡頏昌谷近體則卓鍊
沈着非長吉所及也

宋饒歌鼓吹曲

太祖嘗微時歌日出其後卒平僭亂證於日為日

離海第一

日離海青瞳矐沃以積水涵蒼穹神光隱豹霧空氣呼
吸為蛇龍赤雲衣紫霓從吹白衆宿歌大風天吳遁清
海宮

右日離海十四句句十二句句三字二句句四字

宋既受天命為下所推戴懲五季亂誓將整師秋
毫無所犯為天馬黃第二

天馬黃產異方龍為馬白照夜氣汗雲聲簪野備法衣
引宸駕騰天垠倏變化閨之餘劇以霸閱八姓瞬代謝
駟祥靈入罟獲皇上帝監于下誓無譁出既禡市日中
不易賈坐明堂朝諸夏賚萬方錫純嘏

右天馬黃二十六句句三字

宋既有天下李筠懷不軌據壺闕以叛王師討平
之為征黎第三

黎之壘彌蒼莽逆壺闕屬上黨有雄矯健曰餘宿將于

故之思泣示厥像倚孽孤勢方張辨臣獻議勸下太行
趨懷孟虎牢計之上爭洛邑以東鄉王師奄至扼其吭
帝授方畧中厥狀獸窮駭突死卒以煬脅從已逮孥肆
放凱歌回皇威暢

太行依吳越讀
如輩行之行

右征黎二十六句句十四句三字十一句句四字一
句句五字

上親征李重進至廣陵臨其城拔之為上臨墉第

四

上臨壙戈耀日棘韋指顧流電疾臯止其魁不及卒其
魁則頑曰予號日出坐于棘門芥以率歸子往諭泣股栗
語中其肝至畢述待不及屏沮回適鞠投于燎甘所即
皇仁閔下馬如字止蹕貌貅徹竈歸數實獲其棘矢納世
室

右上臨壙二十四句句十二句句三字十一句句四字
一句句五字

湖湘亂命將極之至江陵周保權已平賊出軍澧

南以拒卒取滅亡為軍澧南第五

軍澧南潰飛鳥鷹隼北來龍蛇夭矯帝有初命奉致討

臨於荆妖孽既掃

闕

駟而孕雉入蒼莽以保王旅長駟

颯振槁以仁易暴戒擊剽惟荆衡及彬士如林磔其節

蠡春葩秋陰我有造干南

尼心切

式敷德音

右軍澧南二十句句七句句三字九句句四字四句句

五字

王師拯湖湘道渚宮高繼冲懼出迎悉以其版籍

來上為鄰之震第六

隣之震震於戶戒登陴徹守御神威掩至不及拒公楚
以南菁茅宿莽獻于王吏奉厥土天子有詔侯西楚自
南北東皆我疆龍旗虎節拜降王秦戈鞞甲期韜藏冕
旒當中垂衣裳

右隣之震二十句十一句句三字九句句四字

蜀主景懼陰結太原獲其謀六師征之景至以母
託上許歸母數日景卒母以酒酹地因不食亦

卒為母思悲第七

母思悲母于歸母聞帝語妾歸無所妾生并土蜀壘芒
芒奄失其彊初帝謂母子泉來小者侯大者王有瘡其
肌載粟于創畢有下土方歸母于鄉天不女奪朕言不
忘

右母思悲十六句句五句句三句句十句句四句一
句句五字

劉鋹亂嶺南為象陳以拒王師象奔踈反踐俘鋹

以獻為象之奔第八

象之奔斯惟跡蹶蹶魚麗駕空雲鳥潰南草浮浮順於
貌貅焚其帑實弃厥胤皇風播平瞽瞍星辰起皆北走
唐季以來逆雖來味嶺海肅清無留後于汴獻囚凱歌
奏

右象之奔十八句八句句三字十句句四字

播協畢
后反走

音
奏

上命將平南唐誓城陷毋得輒戮一人衆咸聽命

為征誓第九

帝命將臣誓師于征伯

禡同

牙于庭曰無劉我人曲阿惟

唐以及豫章孽于南國楚粵是疆我師孔武聿禽其王

始怒頡頏將臣不懌曰如上命即起予疾弓韜于衣刃

以不血收其石程焚其後淫視于丁寧箬羽不飲

平聲取

其鏹磬

平聲

以獻于京于廟告成垓埏既平

右征誓二十四句句二十三句句四字一句句五字

錢氏奄有吳越朝會貢獻不絕于道至是以版圖

歸職方為版圖歸第十

版圖歸歸職方昔服跗注備戎行帝錫之旂龍鳥章酌
獻命與胥今上及秦王外臣拜稽首笑領帝色康畢同
軌來於梁暈靈奕奕數重光願止劒履覲帶裳四海臣
妾配虞唐

右版圖歸十八句句三字五句句四字四句句
五字

陳洪進初隸南唐崎嶇得達于天子至是籍其國

封畧來獻為附庸畢第十一

清源無諸邦力弱臣秣陵間道遣進表九門望日旌願
齒鄒與鄒自達天子庭四鄰彫霸業國除洗天兵皇靈
暢遐外蜚俗通聲明歸其所隸州乞身奉朝請音帝命
得陪祀湯在王城從茲附庸畢歌以頌河清

右附庸畢十六句句五字

太祖征河東班師以伐功遺太宗卒成其志為上

之回第十二

上之回舞干戚鳴鸞在鑣士飽力桴鼓轟騰罕山北餘
刃恢恢軍容肅穆王畿主辰參後服神繼聖伐功卒扼
以偏師斷北狄矢敢鳴房蜩集的質子援絕親銜壁并
俗嘖嘖附于化以安得其屈產歸帝閑四夷君長來稱
藩籥節奏樂示子孫

右上之回二十六句句十三句句三字十二句句四字
一句句五字

宋騎吹曲

親征曲第一

雲屯列竈駟貌貅殿前殺馬祭蚩尤勾陳蒼蒼太白濕
賊帳夢驚遶營日軍呼萬歲推太行華留東抹流電光
重華繼堯坐垂拱并土再駕無葛疆

回鑾曲第二

建隆親征回鑾二之一

徂暑黎陽車駕歸掃清氛翳兵更衣江都朔雲車駕出
凱歌消冰供尚食都人引領望翠華征人一月俱還家

開寶親征回鑾二之二

長堤夜幸士素飽孤城枕竈無飛鳥從征鹵簿拜上恩
太常朝上回鑾表

太平興國回鑾二之三

都人望氣歸瑤闕星掃茸頭落參伐西人冉冉留紫雲
六飛擁日歌回軍

遣將曲第三

平荆湖遣將三之一

天門雷動開風雲內前盡給羽林軍聖人神武授方畧
斬將塞旗各駿奔王師所過如時雨洗濯焦枯嚮荆楚
重宣德意吊遺黎素服軍前釋俘虜全家到闕拜上恩
詔書為築先臣墓

下劍門遣將三之二

神風流霆駈偃草天兵夜下西南道虎賁長戟來鳳州
歸峽銜枚疾如掃廟謨萬里諗諸將山川曲折圖形狀
天同鬼授契若符坐減累恩虜供帳歸來論功授節鎮

鐃鼓殿前歌破陣

歸朝曲第四

南平王歸朝四之一

荆南萬里朝天道
巫女雲荒產芳草
錦鸚道賜帶盤鵬
方物南來進龍腦
願陪郊祀依日光
供帳歸朝親奉表
勳階邑食及隸人
移鎮徐戎作家廟
人生富貴侯與王
四海為家皆故鄉

吳越王妃歸朝四之二

勾吳月令牽牛中

紀以開寶九年三月隨王入朝

翟第乘風來闕宮隨

王劔履朝上殿黃門夜趣長春宴昭容引班入內朝龍
袞當中開雉扇宴罷朝辭生局促詔賜離宮作湯沐先
王丞嘗澤有差上恩許歌陌上花

諭歸朝曲第五

淮南草濕網蟲露家在先朝父尚主真人御極四海歸
偃蹇不朝稱節度夜持鐵券為爾賜上恩特遣儀鑾使
神離魄奪取族夷功臣效命錫龍旂

李侍中妾歌第六

李筠愛將唯儋珪美人姓劉筠侍兒城危搶撥不得力
雨損鉛華帳下啼擁髻前言馬有幾猶說閨中那問此
赤龍從東乘日車火繞城門內蛇死英雄際會風雲奔
婦人思報羅裳恩

孟蜀李夫人詞第七

春荒曲薄蠶叢土屈秋歸朝辭廟主官家呼母恩許歸
劍閣并門無處所

一作淚如雨

故衣升屋棺四繞出門哭子

汴州道回腸酌酒三致辭
巴蜀如歸化啼鳥老身不食
追爾魂鹵簿臨門拜上恩

南唐奉使曲第八

孤城圍中拜右史
侍書猶對重瞳子
請行慷慨期緩師
奉命日馳三百里
河流遡風車北首便
殿蒙恩引天袖
臣肝有血不濺衣
寸舌欲存建王後
竒胸如江湧崔嵬
慟哭不得天顏回

伎女洗藍曲第九

後庭朱黃作衣裏伎女帳帷青曳地碧綠夜挂寒不收
緣此洗藍亭露水外間學染因得名不省歸朝為國氏
他年寄生產鵲尾空憶宮中鳥銜子

郢吏謁故主曲第十

嶺南使鶴日教戰巫女才入譙相見南撓欲載遠遊冠
衛士盜船去不還夢見隨俘上江郢道謁淒涼唯故吏
自言置郢本先王方物入朝緣此至聞言含咽涕灑江
况乃園人舊姓龐淚辭嶺海無歸處蒙恩祇向江陵住

烏栖曲擬張司業

吳宮草深四五月，破楚門開烏啼歇。
美人軍裝多在船，歸來把弓墮弓弦。
越羅如粟，越王獻宮中，養蠶不作線。
輓轡出屋井，水淺梔樹花，姜子如繭。
烏栖烏啼宮燭秋，越女入宮吳女愁。

廢居行

海濤翻空秋草短，白蛇入窠啗雀卵。
經年廢屋無居人，孕婦夜向船中產。
歸來多雨白生魚，穴蟲祝子滿戶樞。

隣家置屋供官役買得沂王園令宅

古釵歎

刑徒鬼火去飄忽息婦堆前殯齊發白煙淚濕樵叟來
拾得慈獻陵中髮青長七尺光照地髮下宛轉金釵二
持歸薰沐置高堂包裹恐為神所將妻兒朝拜復莫拜
冉冉卧病不得瘥省知天物厭凡庸夜送白龍潭水中
扣頭却顧祈免死永入幽宮伴龍子

遠遊篇寄府教景熙

朝遊扶桑根不折拂日枝莫食楚萍實掬海見虹霓黃
鵠別我影目盡漢水湄況復銜其子風露何當歸飄蕭
軟桂叢零落紫苔衣夢魂知爾處落羽在瑤池

瓊花引

后土祠前車馬道天人種花無瑤草英雲蕊珠欲上天
夜半黃門催進表酒香浮春露泥泥二十四橋色如洗
陰風吹雪月墮地幾人不得揚州死孤貞抱一不再識
夜歸闌風曉無蹟蒼苔染根煙雨泣歲久遊魂化為碧

秋日擬塞上曲

落日燉煌北
妖星太白西
涼風吹沙磧
帳下玉人啼
吹沙復吹草
嘶馬未知道
醉後聞塔鈴
秋天忽如掃
野駝尋水向
月行露下胡
兒食秋棗

故園秋日曲四首

空園久閉無人住
城烏應入巢
其樹食盡滿園綠
荔枝引雛飛去人始知

茅茨竹外煙火青
杉雞啁哳向田鳴
家家紅鹽殷新杵

綠樹裏創子如雨

龍蛇已去荒窟宅翻藕人入下劔池岸池藕盡無浮葉

惟有青青榕樹枝

粵王山下霧如雨吹入羅襟楚女啼身逐千艘落南去

惟有檣烏飛向西

咄咄復咄咄

咄咄復咄咄野風吹雲起草堂竹塵陰陰不見山雞飛

上樹海沒鵲人間舊事新白頭淮南小兒未識愁淮南

老翁叫無力瓦盆盛水看日食

賦得建業水

建業水秋風動揚子魚龍夜落星斗南潮沒潮生蒼鶻
起他年冠蓋物具美風吹小船入城市潮去不來風日
死白浪黃塵煙霧裏中有長魚食鱸鮓解后食魚何處
是西上國門望武昌風雨徙魚來漢陽武昌魚勞聚寒
慘太白八月魚腦減武昌城頭鼓紉紉

賦得北府酒

北府酒吹濕宮城柳柳枝著地春垂垂祇管人間新別
離離情欲斷江水語女兒連臂歌白紵淮南神仙來酒
坊甲馬獵獵羽林郎百年風物煙塵蒼老兵對月猶舉
觴青帘淚濕女墻下曾識行軍舊司馬

飛僊引遊沃州水簾谷作

赤城後門桃花尾濕浸靡蕪洗蒼耳小支菩提海上來
天風吹下谷簾水斜珠界左轉復右華蓋縣肝三葉紫
內間肉芝承乳流鬼母僊妹臨洗胃蒼龜守闕朝太微

色阻讒神誣奏事海桑男子在謫籍驅鹿行車閨年至

島上曲二首

皮帶墨鱗身并衣晚隨鬼渡水燈微石門犬吠聞人語
知在海南種蛤歸

夫招賈客歲經遼自到城中賣織綃卻買鉛華采珠母
檳榔樹下月中調

花卿冢行

山谷云花卿冢在丹陵之東館鎮至今猶有英氣血

食其鄉

濕雲模糊埋秋空
雨青沙白丹陵東
莓苔陰陰草茸茸
上云是花卿古來
家花卿舊事人所
知花卿古冢知者
誰精靈未歸白日
西廟鴉啄肉枝上
啼
飛

和靖墓

山中處士白麻履
死後無書獻天子
青童玄鶴畫上天
夜下玉棺葬湖水
湖隄四合葑如髮
芳樹玲瓏倚春雪

百年鳳舞雲霧空
玉腕人間出句越
宮嵐塔雨恍如失
飛網繞湖冠聚鵲
琳宇焚芝秋寂歷
斗下無人祠太乙
送人歸烏傷

湖邊老屋墻壓籬
饑鴉啄雪枝上啼
湖中葑田產菰米
菖蒲花開照湖水
蒺藜老翁呼不起
曾入東宮教皇子
文雅風流俱掃地
瓦磚擲人老兵醉
後園小坊近市廛
借人携菰無稅錢
君歸故里何所憐

句章見月食

殺州見月如魚口沫聚痕消暗牕
鄞城見月如破臼
弃藥含垢掛南斗
龍蛇伏氣諸腦空
水中睡失羣陰母
其間海禽獨夜啼
黑雲赴海同奔犀
市人識母不識父
擊拆摧扉救月死
况值蕤賓月十五
千神附甲支在子
孤子哀吟離楚尾
汨落荒江吊南紀
猶憶秦淮哭日年
不敢仰視看盆水

逃暑宗法寺

城南古寺涼生處
草色遙連孝子墓
碁局雨生苔蘚文

袈裟晴挂芭蕉樹自昔閣黎修白業會公唯與舒王接
只今塵土影堂空石上猶鐫麻紙帖

夏日游玉几山中

曳舟來山中出郭稅吾駕獨慕欣衆勝晨發乃及夜豈
無城中山愛此足幽野橫陳玉几峰隱護碧殿瓦并州
古男子禮塔於此舍而我飲冰人猶為內熱者擬攜桃
枝笙舒卷得餉暇明席織海草因之一枕藉冷風吹雪
空相與坐其下

觀水

積陰生壑雨野水學江流對屋見燈火相望南渡頭浮
槎到高樹白龜起滄洲變怪若不測神功安能尤稍退
見涯涘及來痕沫收崩濤出白石隱隱如博投水楊洗
荒根素髮生古愁見此倏若化故流還膠舟荒源不可
詰欲盡山雲求

池上萍

浮萍隨漲水上到荷葉端水退不得下猶粘花萼間花

殷青已見葉翠枯始斑何如根在水根蒂相團團人生
慕高遠風雲事躋攀絕髯尚號叫化為鶴與猿幸未及
枯槁萬里吾當還

贈寫照唐子良

吳中衆史今代畫不獨畫人兼畫馬唐生家住金華雲
對予獨肯畫古人夕陽西下東流水紛紛古人呼不起
東都留守吳中豪王府勲僚舊俊髦當時氣薄陰山日
勾陳蒼蒼太白高百年水竭海塵上誰見凌煙拂蛛網

霜髯磔磔開清新彷彿猶帶黃河水忽疑稍會怒色止
或可從傍窺諫紙唐生見我淚如洗頗憶古人今不死
俟我氣定神始閒命筆更起唐衣冠

九日

秋風颯以至今日重陽日眼明對南山尚想陶彭澤向
來建威幕頗見有此客驅車不小留駕言公田秫一朝
又棄去此意誰能識寄奴趣殊禮風旨來自北只今王
江州建國功第一故是何珉孫舉動良足惜飲愧望柴

桑稍以自漙滌殷勤白衣餉猶恐不我即中路候籃輿
要致已甚迫葛巾赤兩脚頽然向林宅此翁本坦蕩焉
能苦違物雖然可計取中實未易屈華軒又何美自載
返蓬華終身書甲子往往義形色如使磷與緇安得為
玉雪籬邊菊弄黃粲粲正堪摘我方持空觴千載高風
激

雜言送鄭主簿炎之官昌化

鄭嘗兩請福州文解皆為詞賦第一

劉先生名肩吾閩中詞賦天下無當年戰藝誇顏色進
士出身兩回得盧公里人正在朝相見相逢九官宅余
時猶弱起慨忼謂此未足榮其鄉丈夫事業在簡冊要
令姓字留耿光繼聞鄭君年最少人物氣象尤堂堂白
鹿山南介公後禽蛟兩祭獅子王夢魂欲見無由據側
荔芭蕉春復暮時移乃爾來雲間因作廣文求主簿顧
予多病溢語言面垢毛焦著麻布山中乞食城中歸徵
詩送贈非所宜已聞之成嚮昌化此地人傳多畏怕龍

居嗜燕煙入巢病甲垂欄腥雨下又聞山鬼吹燈夜來
向人家避官舍君持何術徑往居此無百憂便將天雷
斧柄塞鬼穴巫山鐵鑊沈龍湫祇足自亂不得休豈知
從心致禱動幽隱使龍無嗜鬼無愁不知君能致此不
龍不須酹以酒鬼不須祭以肉秋旗卷雨曉案煙時向

縣齋望天目

一作龍不
須鍼以從

擬古

翔鱗化海鳧不見腦中石人生弃并邑寄處終為客常

懷墳墓思永夜良跼踖秋風吹蓬顆索索如布奕上為
考與曾下為叔與伯豈無故鬼悲翻念遠行役服藥得
神仙去後唯留跡忽夢南遊雲相逐孤飛翮

五日山中

東隣拔蒲根南鄰燒艾葉艾葉出青煙蒲根香勝雪乾
坤生燐火陰碧期月光煙隨艾葉散進此菖蒲觴蒲觴
益齒髮齒白髮如漆餘飲不盡器置之五七日五日化
為丹七日化為碧一服一千年令人生羽翼

鐵如意

仙客五六月下鬪婆娑散影若雲霧遺音香江河其
一起楚舞一起作楚歌雙執鐵如意擊碎珊瑚柯一人
奪執之睨者一人過更舞又一人相向屢傞傞一人獨
撫掌身挂青薜蘿夜長天籟絕宛轉愁奈何

萍間穉荷效王司馬體

初萍半含絮頃刻開數畝荷生浮其間風雨足解石百
年遊子心欲作千歲久昔為浮萍根今為穉荷藕荷高

刺己生魚遊觸其首離離荷下萍吹向白魚口

效孟郊體

閒庭生柏影荇藻交行路忽忽如有人起視不見處牽
牛秋正中海白夜疑曙野風吹空巢波濤在孤樹

落葉昔日雨地上僅可數今雨落葉處可數還在樹不
愁繞樹飛愁有空枝垂天涯風雨心雜佩光陸離感此
畢宇宙涕零無所之寒花飄夕暉美人啼秋衣不染根
與髮良藥空爾為

閨中玻黎盆貯水看落月看月復看日日從此出愛
此日與月傾寫入妾懷疑此一掬水中涵濟與淮淚落
水中影見妾頭上釵

近體二首

南雁去來盡音書不可憑應過蠻嶺瘴聞拊楚臣膺滄
海沉秦壁愁雲起舜陵可堪魂夢在回首舊觚稜

月離孤嶂雨尋夢下山川野塚埋鸚鵡殘碑哭杜鵑妓
收中使客民買內醫田到此聞隣笛離情重惘然

憶梁禮部椅

閒庭芳桂叢相憶
曙雲空文字能娛老
莓苔此興同青
山明月下家口少
微東歲晚西莊路
柴門語自工

拜玄英先生畫像

來此得公真塵埃避
隱淪水生溪榜夕苔
卧野衣春兩
冢侵吳甸荒祠有
漢人微吟值衰世
為爾獨傷神

送汪十

多年隱賣漿
此去結山房
掃菌侵花落
種松如草長
老

期秋欲至貧味水初嘗歲晚逢樵獵音書定不忘

悼南上人

翻經卷未終聞打寂時鐘盡說他身在唯應外國逢
錫聲歸後夜琴意滿諸峰憶昨夜禪處湖雲起白龍

元日讀老子望瀑作

空山無轍迹懸水下分洪醉醒聽猶在寒暄色不同
異書天姥秘靈物乳池空抵憶殘年雨先流到海中

哭所知

總戎臨百粵花鳥瘴江村落日失滄海寒風上薊門雨
青餘化碧林黑見歸魂欲哭山陽笛隣人亦不存

呈王尚書應麟

寒風吹鬢影客淚濕衣塵千里見積水滿城無故人舩
歌甌雪盡劒舞越花新獨憶絲綸老相從話所親

山陰道中呈鄭正樸翁

楊柳遠天色野風來水涯異鄉同夢客今雨故人家越
樹夜啼鳥禹陵冬落花悠悠湖海意為爾鬢先華

送毛耳翁之湘南

相草碧於水王孫尚此留一身行萬里雙鬢集諸愁月
落嶽雲曙龍逃海雨秋可能無事業相見竟悠悠

寒食姑蘇道中

頻年感煙草荒塚幾人耕吳楚逢寒食山村見獨行天
陰月不死江晚汐徐生到海征帆影悠悠識此情

別子靜却送之雪

獨往知吾事語離何所求故家無別業殘夢下扁舟積

葉吳宮冷陰猿顧渚秋那能不相待羈旅負清遊

八詠樓

江山此愁絕寒角夢中吹飛鳥過帆影遊塵空戟枝水
交明月動槎泝故洲移已薄齊梁士猶吟沈約詩

至日憶山中客

山村雲物外至朔閏年愁獨客語茅屋樵人共白頭驛
花殘楚水烽火到交州欲隱裂裳帛春來重結裘

懷峨嵋家先生

露下濕百草病思生積愁窟泉春洗屐羶雪莫過樓魂
夢來已峽衣冠老代州平生仗忠信心自與身仇

哭廣信謝公

自爾逃名姓終喪哭水濱海僧疑見貌山鬼舊為隣客
死留衣物囊空出告身他年越鄉值賣卜有斯人

雨夜呈韶卿

相看隴水雲一夕幾回分預恐今宵雨他年獨自聞野
花同楚越江靄雜朝曛不得鋤芝朮逢樵却寄君

暮春感興

天涯芳草夢此意未應泯
獨對風烟老虛為江海入漁
樵分落日櫻筍過殘春舉世無知己他生應遂臣

秋日憶過秦國公主園

野影林樾盡山昏瓦塔齊
涼宵風雨過一雁西南啼嵐
霧洗巾幌井泉生蒺藜傷心拂塵塵衣淚濕空綈

用韻酬友人憶寄

麻衣拂市塵外事不干貧
野氣生寒井天陰壓莫春閒

身分楚鞠白髮作吳人已斂靡蕪徑青鞋憶寄頻

鼓子花

塵濕西風淚溝西影見君碧衣羞遠日天夢冷秋雲蔓
引山精徑離依楚女墳海邊逢賣藥采實故應分

山寺送翁景芳歸觀

弱雲竹水湄葉影碧離離野別如秋夢他宵獨爾思林
殘西域果鐘動下方棋可得朝還莫相看長在茲

寄朱仁中

聞君經亂後居處畏山顛家在聚如客糧餘食帶烟成
鴉分落日燒草共殘年因憶先丘壠于今是極邊

西臺哭所思

殘年哭知己白日下荒臺淚落吳江水隨潮到海迴故
衣猶染碧后土不憐才未老山中客唯應賦八哀

槿樹

白犬吠行人西風杵臼新洗香澄宿水爆髮向秋隣野
草依溝盡宮花入帽頻人家小門徑憐爾獨相親

哭肖齋李先生

落日夢江海呼天野水涯百年唯此死孤劍託全家
血染楚花碧魂歸蜀日斜能令感恩者狼籍噉荒遐

遊釣臺

百臺臨釣渚遺像在蒼烟有客隨槎到無僧依樹禪
風塵侵祭器樵獵避兵船應有前朝蹟看碑數漢年

過孫君文舊避地處

相逢還自矢相見盡天涯隣壤初移戍空山此寄家
剪

茸春過鹿伐竹舊燒畬去後餘荒槿依溝結影斜

韶卿住烏傷寄劉元益

他日憶逢君林中訪惠勤鹿麕行處見流水別時聞草
沒秦人冢山通越國雲音書年歲失莫訝白鷗羣

魯國圖詩并序

翔嘗乘舟至鄞望海上島無數其民多舟服過
蛟門登候潮山被髮楚歌罷輒復哭思夫子
浮海居夷之義至定海學故石刻盡仆泥淖中

新刻復闢葺讀卽怏怏乃汲水洗故刻得紹興
間邑令趙所傳魯圖自云齊梁父諸山川至洙
泗間巷里廟社井墓厯厯如指諸掌遂摹其本
歸過浦汭方君景山與枯人吳思齊率其徒為
講經社得思陵所贊夫子像揭于庭朔望拜進
退與俯殊習乞翔所摹圖與像對翔喜而歸之
且書其後為之詩曰

秋風嶽下城海客見圖新樹入舞雩里水來浮磬濱東

封餘輦路西狩問虞人被髮逢夫子狂歌作放民

萬松道中望南太白

笋輿行萬山中有十里亭老樹祇一色野公逾百齡柴
關當太白藥氣近樵青岡草粘枯翼巢枝落退翎期探
幽谷水共斲松根苓艾納下天雨塵風吹冥冥

峨眉老人別子歌

峨眉有老人奉命過嵩少天風吹西翼冉冉明夕照濕
塵紛墮天髮白更待報有子為異物不得入家廟慟哭

東南雲相望滄海嶠青鳥年年來寄書久不到

後瓊花引

揚州城門夜宿雪揚州城中哭明月墮枝濕雲故鬼語
西來陰風無健鶻神娥愬空衆芳歇一夕蒼苔變華髮
官花窄簾塵掩韞玉華無因進吳越離離淮水山央央
誰其死者李與姜

邳州哭

邳州哭井水竭去年哭母瘡海熱今年此日來邳州母

死未禪子為囚邳州土濕淚長在化為蒼苔色不改兩
兩遊魂歸瘴海

秋風海上曲

秋風吹水龍上天龍女抱珠海底眠水花生雲起如葑
神龍下宿藕絲孔巨鼇鼉扇鼉鼓隨赤魚鱗鬣陳旂旗
海人見此失操網歸對妻兒月闕自言移家來磧中

十載秋風潮不上老夫一人語門前見此已是開皇年

古別離

仙人別母母哭啼遺以神藥乃醉之醒來哭定記兒語
食此庭前雙橘樹葉能禦饑病能愈豈似當時逐兒去
隣翁有女立我前取刀剖腹爾勿憐但爾嫁夫能治田
生子不願生神仙

冬青樹引別玉潛

冬青樹山南陸九日靈禽居上枝知君種年星在尾根
到九泉護龍髓恒星晝實夜不見七度山南與鬼戰願
君此心無所移此樹終有開花時山南金粟見離離白

衣人拜樹下起靈禽啄栗枝上飛

小元祐歌寄劉君鼎

前甲子小元祐句章侵黑權臣死端平天子初改紀龔
芳秦陵種蘭芷當秋淮甸枯草黃彎弧北向射天狼狐南
星光天狗墮入蔡生擒完顏王是年南海無波浪月濕
珠胎君以降只今六十空白頭獨騎麒麟補春秋天回
星周美惡復人世更傳蔡州錄

雨飲玲瓏巖下

垂雲起欽嵌衣被松與桂夜含星斗光隱若金石氣雨
來輒阻之不得撫蒼翠下有桑門子飲用陶匏器盆中
蓄海石左顧如牡蠣疑此磧上來不知幾年歲桑門却
問客所居何姓氏回指南海峯蒼茫倘一至

翠鑠亭避雨

亭有魏王妃所題字尚新王嘗以皇子成德軍節度使鎮明故祀至其處

客有遊山衣著久如薜荔行行萬翠亭忽作風雨慙仰
面無所覩梁間有題字問此何人書婉婉有弱氣云昔
魏王妃學書似李衛乘雲到此山洒墨在空翠塵風吹

土花倏忽景物異疑此夢與仙不類人間世

過舒臨海故宅

破壁濕海鮮水邊日氣蒸云是舒公宅其孫艾且仁昔
公初作尉視事即斬人上書稱臣亶待罪滄海濱天子
有詔至汝亶可治民爾時荆文公上方邑之鄞聞此輒
異之久會公秉釣謂此非狂狷引用至中丞立朝思蹇
諤庶以報君親蘇公下詔獄讒者用事新於此與有力
豈為重其身晴風吹海雨山川尚橫陳俛仰勿太息徒

為驚爾隣

有洗舊誥綾作青色需將以為緣以紺繒易得之
作手卷賦小樂章求好事書其後

吳宮輦路傷行客
繭冰壓雲凝碧色
門前新掃染家隣
借人鋪設殘衣帛
宮花剪綾連院號
覆取翻看成一道
織紋宛轉勅字新
知是初誰六尺誥
城霞失彩宮蘚病
中與海圖上衣領
改顏倖售緣所遭
褪藥玄香洗藍影
青綢易得淚承曉
擊筑楚歌無故業
歌殘求書好事人

異代倘傳誥綾帖

雪中方四隱君訪宿有詩憶鹿田風雨舊遊奉和

併呈吳六贊府

金華入北山空響出靜佇鹿田在其顛肺石來風雨有
客六七人昔遊至其處唯我愁不眠起坐蹴君語謂此
定何聲百感生離緒既非琴與瑟復與砧將杵醉者呼
不應愁者自為苦空櫺怯孤衾展轉如巢樹濕歌散餘
悲以足拊柱礎爾來又七年欲至因羈旅傳聞老桑門

已復蟬蛻去入山惡少年巾鉢空其聚乃知人世間何
者為客主而我同懷人忽復異處所夢中遙相望各抱
不售賈有客不同遊亦是同懷者地至況有期輿馬不
待假倘規宿山中畸人不應舍

送袁太初歸剡原袁來杭宿傳法寺寺在德壽宮
北今行路及園即宮舊址

大雷山下鄞江口石濕落星海涵斗莓苔鎖窓居鬼神
散髮天衣夜行酒百年綺語墮凡塵劉公不還謝公走

祇今零落三秋霜猶說先朝人物數道逢
來家美年少欲挽吳潮歸兩袖自言學出
戴君門又說舒君忘年友舒君白頭爪塵
垢戴君業成衣露肘君來何處覓知音
弔古淒涼無老叟出門擇語歸計餐顧忌
慚皇無不有不如歸食空江槎初生淡菜
如珠母風帆送客來夷洲白恰青衫談不
朽君不見君今宿寺多郵僧耆舊能言
幾人在隔牆食柏秋麝過廢石坡陲舊南
內

擬古寄何大卿三首

雄雌雙碧雞所食琪樹朐來棲藥洞中當春怕乳子其雌
秋別時守此唯雄耳可憐銜子歸萬里渡海水

石間道人影見者恒髣髴行雲過到仙與語呼之出身亦
竟不出影亦竟不沒含涕謝仙人天地此終畢

山人食木實竹實以飼鳳聞此來空烟三載脫塵鞿不
見玉笙音唯聞溪鳥弄西臺憶故人野祭忽如夢仰視
浮雲馳不覺哭之慟

宋詩鈔卷九十九

欽定四庫全書

宋詩鈔卷一百

內閣中書舍人吳之振編

謝翔晞髮藁鈔

天地間
集附

福唐黃坤五語余晞髮集近世行本多遺漏曾抄畜
二十餘首皆刻板所無余聞之心往恨其不攜行笈
得一見也從子愚忠自茗上潘氏抄得晞髮近藁一
帙為發狂喜原集古詩大半此多作近體屈蟠沉鬱

吐茹奇艷皆世所未覩豈即黃春坊所謂與然黃云
二十餘首而此編有五十首數既不合且此署晞髮
道人近藁當是末年未定殘草別為一卷流傳人間
又非刻本零星遺漏比也然則黃氏二十餘首又不
知何詩矣惜春坊云亡不得一質證之此帙附天地
間集十餘首即臯羽所編當時諸公詩也按本傳有
二卷此亦不完書潘氏藏本為陸子傳手蹟有題識
子傳名師道吳人

過杭州故宮二首

禾黍何人為守閣
落花臺殿暗銷魂
朝元閣下歸來燕
不見前頭鸚鵡言

紫雲樓閣讌流霞
今日淒涼佛子家
殘照下山花霧散
萬年枝上挂袈裟

重過二首

複道垂楊草欲交
武林無樹着凌霄
野猿引子移來住
覆盡花枝翡翠巢

隔江風雨動諸陵無主園池草自春聞說就中誰最泣
女冠猶有舊宮人

野望

心遊太古後轉覺此生浮天外知何物山中看得愁岸
花低草色潮水逆江流消長盈虛裏令人白盡頭

無題

天風下黃葉山樹挂綠蓑世情逐流水東去無迴波可
與語人少不成眠夜多濕雲黏短髮漂泊奈愁何

春閨詞

手觸殘紅頭懶梳香隨蝴蝶上衣裾暖風吹睡無言語
又向牀頭看夢書

四皓

冷却秦灰鬢已翁紫芝歌罷落花風若教一出無遺恨
莫入留侯準擬中

散髮

乾坤一楚囚散髮向滄洲詩病多于馬身閒不似鷗因

看東去水都是夜來愁
晚意落花覺殘枝香更幽

友人自杭回建寄別三首

同來不同去離別暗銷魂
閩浙若同水扁舟送到門
潮信到巖瀨水色過衢城
寄潮不寄水潮去有回程
水到衢城盡梅花上嶺生
不如寄明月步步送君行

孤山

又冒晴絲向水涯
寒雲冉冉護中紗
能知綠鬢幾回至
欲作黃冠此處家
已把披垣等茅舍
不愁封禪對梅花

晚風吹袂過船去看鶴上天衝碧霞

雪

片片知何似無根零亂花任隨飛到處不揀是誰家
縫密天如翳禁深樹半斜城中新酒貴羈旅若為賒

畫秦宮人

宮人字玉姜秦時逃入山是為毛女漢魏間人猶見之
結草為衣類鶴翎初來一味服黃精宮鶯幾處銜花出
猶向山中認得聲

織婦歎

待得蠶蠶繭上絲織成送女去還歸
支機本是寒砧石
留取春深自擣衣

商人婦

抱兒來拜月去日爾初生已自滿
三歲無人問五行孤
燈寒杵石殘夢遠鐘聲夜夜隣
家女吹簫到二更

憶湖上

擾擾忽半月征衣雜吊塵頗疑湖上客
不是城中人岸

柳垂輕漿山雲泣濕巾明朝在何處相怪墮凡身

悼古李清

典刑前一輩言語尚風流詩律縛不住梅花惱得愁雲
烟今變滅老病總宜休喚醒菟裘夢嚴城山雨秋

蠟梅

冷艷清香受雪知雨中誰把蠟為衣
蜜房做就花枝色
留得寒峰宿不歸

留別顧君際

萬里行可到詩人吟到難愁來時自語寫出許誰看月
落望如失山空坐更寒此時多少意欲別路漫漫

後桂花引

修月仙人飯玉屑瑤鴨騰騰何處熱吳剛生愁樹合創毫
飄玉斧高枝折此時待罪扣帝庭素娥騎蟾涕淚零月
中落子如雨星至今收拾無六丁

吳山謁祠

吳山坊頂戴高祠禁地淒涼江水悲却是北人題記壁

迤南耆舊獨無詩

雪後湖堤步歸

無求如有得散策隄邊行山碧眼花亂水寒毛孔生窮
冬疑有雨一雪却成晴勞謝天涯月相隨步入城

梅花

春過江南問故家孤根生夢半槎身到無香氣飄成雪
未有葉來開盡花

吹老單于月一痕江南知是幾黃昏水仙冷落瓊花死

祇有南枝尚返魂

往姑蘇與友人別杭州

北闕到吳會煙草亦詩情飲少但知價行疎數問程天
陰月不死江濶水能生別後不得寐相思還二更

雪霽有感

夜長春度夢門雪擁芭籬不倚成山積情知有霽時日
高簷自雨氣上瓦如炊風過梅花濕寒香只戀枝

山中道士

山中道士服朝霞二十修行別故家
留客一杯清苦蜜蜂房知是近梅花

餘杭樵歌

樵斧丁丁響翠微
頰肩半脫汗身衣
因來避雨巖前洞
裏得山蜂和蜜歸

書文山卷後

魂飛萬里程
天地隔幽明
死不從公死
生如無此生
丹心渾未化
碧血已先成
無處堪揮淚
吾今變姓名

十年

忘却寒溫語相逢一揖休十年只如此今日若為愁月
白夜亦畫山寒春更秋無情溪澗水只是下難流

秋夜詞

愁生山外山恨殺樹邊樹隔斷秋月明不使共一處

除夜舟中遇雪

歲月安有限利名心未灰雪飛今夜止潮去隔年來交
友窮中見江山盡處回家人誰念道耳熱不因杯

元旦舟中聽潮

東望拜潮水無家在客船
一來仍一往今日又今年有
信從天外緣聲到枕邊
海門春樹暖吹浪起晴烟

鷓鴣步尋方元英故居

遺像雙臺下結廬烟水傍
子孫今幾世風雨半他鄉
山靜雲眠影葉乾蟲食香
高名故相壓吟苦不成章

青蘋亭

青山何處似疑是剡溪
傍採蘋無人到生沙滿
逕荒水

交難辨色花和不同香歸路逢樵子麻衣草結裳

題酒家壁

綠陰深處問天涯黃鳥聲中見酒家樹上胡孫摘殘果
向來纔見是春花

正三立春

舟中隔歲話偏仄信誰從山帶去年雪春來何處峰移
軍增野竈落積減機春明日金華洞牧羊尋故蹤

贈山中友

散策亂山雲值此山林友種松高及身掃葉落隨手所
盡松上枝縛作山中帚夜夜對西風明月生戶牖

沙岸登舟

五里兒女步虛沙映斷筇雲支半山石帆席上溪風數
雁憐身隻聞鷓鴣願耳聾市橋東畔塔側影夕陽中

僧房芥壁

松樹落釵股曉行猶見燈圓亭方井水老寺少年僧澗
響夜疑雨雲寒春欲層山童錯相認應道我來曾

山居

宿火石中取人烟隔斷霞盜侵鄰壤粟女寄外翁家野
樹刺生葉枯松藤纏花老翁頭未白相對話天涯

望仙都山二首

鼎湖只在柱峰上地險山空不可家山下人居五六月
天風吹雨碧荷花

道人誦經半峰下洞裏山神不敢歸我欲乘風到峰頂
擘翻荷葉作蓑衣

疊山

礪硯復崔嵬晴雲撥不開鐘聞上界響石自太湖來靈
草擣為藥寒松燼作煤欲窮登覽興未到已裴徊

社前

無家借燕住離別又經年客館依山上春分到社前雨
來換宿水雲起暗晴川颯颯吹衣帶因風問去船

艤舟江心寺

數聲清磬出晴暮落木人家散烟霧風送年年江上潮

白雲生根吹不去

歲月

歲月記不得曾行此處村日歌眠石影樹長食藤根晚
羨棲猿鳥春來問子孫勞生空可說不是欲忘言

雪女吟

晝畫溪頭斂翠眉綠楊扶起又低垂春風盡與花為主
不解庭前百結枝

文房四友歎

兵後四友流落有訪而得之者則頂禿足折笏碎幅
裂自秦以來未見吾黨獲禍如此之慘者是以爲之
長太息云

昆吾莫耶輕毛錐平生故人皆引去剡溪之皙絳色黔
獨與石君作一處中書間起免冠謝輒被弱冠仍嫚罵
見幾自愧後穆生正恐髡春不與赦有時怒髮豎相如
熟視蒙恬挽其鬚泓尤淪棄敢自愛老龜支牀息猶在
荆山風雨朝暮號璞在吾懷足何罪恨不雪恥酬諸姬

背水一戰漢為池楮生不改舊邊幅三褫何但高閣東
客卿騎項百折磨猶恐玄能赤吾族此時不平義重生
陽城裂麻欲死爭平生國士立橋下誓死守此漆身啞
秋社寄山中故人

燕子來時人送客不堪離別淚沾衣如今為客秋風裏
更向人家送燕歸

天地間集

寄江南故人

則堂家鉉翁

曾向錢唐住聞鵲憶蜀鄉不知今夕夢到蜀到錢唐

南華山

文山文天祥

北行近千里迴復迷西東行行望南華忽忽如夢中佛
化知幾塵患乃與吾同有形終歸滅不滅惟真空笑看
曹溪水門前坐春風

逢有道者

誰知真患難悟此大光明雲散天仍在風休水自清功
名幾滅性忠孝太勞生此意如能會神仙亦可成

山中夜坐

本心文及翁

悠悠天地間草木獻奇怪投老一蒲團
山中大自在

武夷山中

疊山謝枋得

十年無夢得還家獨立青峰野水涯
天地寂寥山雨歇
幾生修得到梅花

溪橋晚興

南谷鄭協

寂莫亭基野渡邊春流平岸草芊芊
一川晚照人閒立
滿袖楊花聽杜鵑

錢唐晚望

錢唐江上夜潮過
秋靜寒烟白露多
吳越青山明月裏
舟人齊唱異鄉歌

月夜溪莊訪舊

歸田柴望

山山明月露何處
認梅花石色
凝水溪流白
是沙清
吟幽客
夢華髮
故人
家相見
即歸去
已應河漢斜

觀水

古為徐直方

滄江無盡水
夜夜隨潮去
若復作潮來
滄江止不住

秋夜泛舟

橫舟何新之

飛星曳寒影野水淡碧空人生定何物扁舟空影中何
年有宇宙生此木末風有力不向上難到達萊宮空攀
棲鵲巢搔首如飛蓬俯仰慨今昔此懷安可窮

歸去詞

石髓王仲素

種松雨濯髮折筍春墮指長嘯歸去來滄海一天水

翫月有感

草堂謝綸

入夜茶甌苦上眉眼花推落石牀棋舉頭却恨天邊月

顛倒山河作樹枝

退宮人

雲西陸壑

破篋猶存舊賜香
輕將魂夢別昭陽
只知鏡裏春難駐
誰道人間夜更長
父母家貧容不得
君王恩重死難忘
東風二月垂楊柳
猶解飛花入禁牆

散策

菊屋何天定

孤坐忽不樂
出門聊散行
溪喧亂人語
樹偃碍農畊
雨徑莓苔積
陽坡草木明
道逢九十老
相對話承平

西窗

堊處王曼之

西窗枕寒池池邊老松樹渴猿下偷泉見影忽驚去

春日郊行

出門逢柳色忽過堊橋西坐石看潮長隔花聞鳥啼地
隨芳草盡樹與夕陽齊不是桃源路行人亦自迷

年年

觀山范協

年年如燕一還家又訪幽居過水涯風雨滿城春欲暮
山中猶有碧桃花

訪隱者不遇

東窗吳子文

道人入山訪道人山深俗朴雞犬馴道人不見道人去
毳毳草木無邊春

采菊

竹坡韓


擷我百結衣為君采東籬半日不盈掬明朝還滿枝悠
然何處是千古正如斯

曉起

曉山林景怡

天雞弄喔咿殘星在斜漢整衣出幽扉山城漏初斷微

微水風生冉冉田露散此時遊葛天淡然空百美海色
上寒梢漸識梅花面



宋詩鈔卷一百

欽定四庫全書

集部

宋詩鈔卷一百一

三

詳校官中書臣賈鉞

主事銜臣徐以坤覆勘

總校官編修臣王燕緒

校對官中書臣劉源溥

謄錄監生臣鄭家屏

欽定四庫全書

宋詩鈔卷一百一

內閣中書舍人吳之振編

文天祥文山詩鈔

文天祥生時夢紫雲故名雲孫天祥其字也寶祐乙卯以字貢遂改字宋瑞又字履善吉州廬陵人廷對第五理宗擢第一歷官較書著作郎至兼學士國史院崇政殿說書玉牒所檢討實似道以致仕要君降

詔多諷語逆賈意奏免始闢文山以居旋起提刑湖
南移知贛州德祐乙亥元兵渡江奉詔起兵除右文
殿樞密權兵部侍郎兵屯洪詔入衛權工部尚書除
浙東西制置使江西安撫大使兼知平江府常州破
朝議棄平江趣天祥移守餘杭進資政殿學士丙子
正月伯顏兵至高亭陳宜中張世傑皆遁乃除右丞
相兼樞密至北軍講解遂為所留而臨安降表已出
伯顏即脅隨祈請使北行至京口脫走趨真州謀合

兩淮作興復計而制置李庭芝疑拒之復從揚州逃
至高郵嶇崎數瀕死得渡海道至台溫奉益王於福
州改元景炎除觀文殿學士右丞相不拜以樞密使
都督諸路軍事出南劍號召天下繇汀漳入梅州戰
雩都大捷因開府興國元兵大至旋潰妻妾子女皆
陷奔汀移循州端宗崩衛王立於碭川改元祥興天
祥乞移軍入朝而宜中世傑忌阻之第加少保信國
公張弘範破崖山令弘正襲執天祥服腦子二兩不

死繫至燕不屈囚兵馬司者四年而志愈堅會有中
山薛寶住投匿名書指丞相舉事者司天闕又奏三
台星折乃召至殿中猶欲諭降之語益厲遂遇害衣
帶有贊曰孔曰成仁孟曰取義惟其義盡所以仁至
讀聖賢書所學何事而今而後庶幾無愧詩集不多
有指南錄闕卷皆奉使脫難興復記事之詩又有吟
嘯集則囚燕所作又獄中集杜詩二百首自指南錄
以後與初集格力相去殊遠志益憤而氣益壯詩不

琢而日工此風雅正教也至其集杜句成詩裁割鎔
鑄巧合自然尤千古擅場今別為一帙而以指南錄
中十八拍附之嗚呼去今幾五百年讀其詩其面如
生其事如在眼者此豈求之聲調字句間哉

敬和道山堂慶瞻御書韻

墨灑天奎映榴紅斯堂殿閣與俱隆方壺圓嶠神仙宅
溫洛榮河造化工列聖文章千載重諸孫聲氣一時同
著庭更有邦人筆稽首承休學二忠

著作之庭乃胡忠簡公書周文忠公

立

贈祕書王監丞

君不見祕書外監賀放翁鏡湖一曲高
清風又不見太子師傳兩疏氏東門
祖帳羅羣公人生晚節良不易顏
波直下誰障東使人知有在我者二
三君子為有功我公金華山下住
赤松安期白雲處風骨細瘦真神
仙急流勇退不肖顧我昔山中想
風采幾回擊節歸田疏適來追陪
水蒼佩親見辭歸白雲路御筆擢
公領蓬山師

表玉立東宮官兩年苦口一去字未許鷗鷺從公閒瑤
池深深鎖策府玉皇宮闕倚其間暫分赤符管下界半
空雲氣常往還多少持麾辭上國悠悠風塵見此客莫
作尋常太守看疏賀以來偉人物夜瞻婺女次舍中一
點光明射南極公歸眠食重調護世道尚憑公氣力

贈蒲陽卓大著順寧精舍三十韻

人生天地間一死非細事識破此條貫八九分地位趙
岐圖壽藏杜牧擬墓志祭文潛自撰荷鍤伶常醉此等

蜣浮生見解已不易齊物逍遙遊大抵蒙莊意聖門有
大法學者必孔自知生未了了未到知死地原始則返
終終始本一致後來得西銘精蘊發洙泗吾體天地塞
吾氣天地帥一節非踐形終身莫繼志舜功禹顧養參
全顏錫類伯奇令無違申生恭不貳聖賢當其生無日
不惴惴彼豈不大觀何苦勤興寐吾順苟不虧吾寧始
無愧人而有所忝曠達未足智卓哉居士翁方心不姿
媚蒙濤以去國七年無怨懟風雨三間茅松楸接蒼翠

斯丘亦樂哉未老先位置宇宙如許大豈以為敝屣當
其歸去來致命聊自遂天之生賢才初意豈無為民胞
物同與何莫非已累君方仕於朝名高貴所萃乾坤父
母身方來日川至西銘一篇書順事為大義請君觀我
生姑置末四字

贈鏡湖相士

五月五日楊子江心水鑄作道人雙瞳子吾面碟子大
安用鏡照二百里

贈秋月葉相士

急流勇退神仙蹤
覽龍鐘將相借問華山山中何似天
津橋上

贈桂巖楊相士

榮悴紛紛未可期
夕多未振已朝披
德剛難免於今世
行好須看有驗時
萱堂前惟有母槐
陰庭下豈無兒
好官要做無難做
身後生前是兩岐

宣州罷任再贈

貧贈元無富貴思泥塗滑滑總危機世無徐庶不如卧
見到淵明便合歸流落丹心天官未崢嶸青眼古來稀
西風為語巖前桂若更多言却又非

贛州再贈

此別重逢又幾時贈君此是第三詩衆人皆醉從教酒
獨我無爭且看棋凡事誰能隨物競此心只要有天知
自知自有天知得切莫逢人說項斯

贈葉大明

大明標榜葉氏子自稱後村門下士誤言木吉字為災
後村曾發一笑來其師流傳說如此寧知禍福乃不爾
犀腰貂首徒勞人甘藜藿無苦辛我生有命殊六六
木字循環相起伏袖中莫出將相圖盡洗舊學讀吾書

閒居和雲屋道士

一樽聊共此時心文字追隨落醉吟仙子樓臺脩竹外
行人冠蓋畫橋陰一年芳草東風老五月空江夜雨深
且作蘭亭歡喜集更論誰後又誰今

遊青原二首

鍾魚閒日月竹樹老風煙一徑溪聲滿四山天影圓無
言都是趣有想便成緣夢破啼猿雨開元六百年

空庭橫蟬蛩斷碣偃龍蛇活火參禪筍真泉透佛茶晚
鍾何處雨春水滿城花夜影燈前客江西七祖家

龍霧洲覺海寺次李聞溪壁間韻

名昂英
侍郎

聞黎鍾後訪團蒲江色漫漫晝欲晡一笛梅邊何滿子
千叢蘆外筆頭奴急風吹雁還家未新雨生濤到海無

本是白鷗隨浩蕩野田漂泊不為孤

山中

滄州棹影荻花涼款乃一聲江水長
賴有蕁風堪斫桂便無花月亦飛觴
山中世已驚東晉席上人多賦晚唐
何處魚羹不可飯蚤拚泉石入膏肓

山中漫成東劉方齋

名夢桂居南湖
太師公玄孫

東風解凍出行嬉一闌煙塵隔翠微
自有溪山真樂地從來富貴是危機
二三行輩惟須醉多少公卿未得歸

明日主人酬一座小船旋網鰕魚肥

送人往湖南

雁拖秋月洞庭邊客路淒涼野菊天雲隔酒樽橫北海
風吹詩史落西川夜深鬼火千山雪春後鶉花一樹煙
為我祝融峰上看朝曦白處禮蓬仙

別謝愛山

君今拂衣去我獨枕書眠一片過林雨數聲當戶蟬情
長空有恨吟苦不成篇後會知何日西風老雁天

病中作

一病四十日西風草木涼倚牀腰見骨覽鏡眼留眶倦
策吟詩杖頻燒讀易香夜深排果餌乞巧大醫王

又賦

病裏心如故閒中事更生睡猶隨我嬾黠鼠向人鳴羽
扇看棋坐黃冠扶杖行燈前翻自喜瘦得此詩清
驟雨知何處一溪秋水生苦吟肩鶴瘦多病耳蟬鳴隱
几惟便睡挑包止倦行山深明月夜乞我半窗清

寄興逃吾病吟詩老此生風高鴻雁起晴久鶉鳩鳴野
樹辭秋落溪雲帶雨行晚涼便懶坐移傍竹陰清

曉起

遠寺鳴金鐸疎窗試寶熏秋聲江一片曙影月三分倦
鶴行黃葉癡猿坐白雲道人無一事抱膝看回文

夜坐

淡烟楓葉路細雨蓼花時宿雁半江畫寒蛩四壁詩少
年成老大吾道付逶遲終有初心在聞雞坐欲馳

題楚觀樓

西風吹感慨曉氣薄登臨半壁楚雲立一川湘雨深
乾坤橫笛影江海倚樓心遺恨飛鴻外南來訪遠音

某叨臬衡湘蒙恩以便郡歸養官齋大卿實寓衡
我十年前邦君也一再見間即分南北五言啓

之所以致今舊兩鱣綬云

李肖齋名希

瀟湘一夜雨湖海十年雲相見皆成老重逢便作分啼
鵲春浩蕩回雁曉殷勤江濶人方健月明思對君

幕客載酒舟即席序別

故人滿江海遊子下瀟湘
夢載月千里意行雲一方
櫓聲人語小岸影客心長
總是浮萍迹飛花莫近牆

將母赴贛道西昌

重來鷗閣曉帆影漲新晴
倚檻雲來去閉簾花送迎
江湖春汗漫歲月老崢嶸
手把忘憂草蔓蔓繞太清

翠玉樓晚雨

晚樓一曲轉梅花
官事無多報放衙
林木蔽虧煙斷續

江流曲折雨橫斜
年華冉冉風前影
歲莫悠悠客裏家
一雁近從沙嘴落
更饒片雪入天涯

翠玉樓

昏鴉何處落野渡少人行
黃葉聲在地青山影入城
江湖行客夢風雨故鄉情
試問南來信梅花三兩英

阜益樓

一水樓臺繞半空
圖畫開闔蛺蝶行
薜荔雀影上莓苔
碧落人千載青山酒一杯
晚煙看不盡待月却歸來

雲端

半空天橋起層臺傳道劉安車馬來山上自晴山下雨
倚闌平立看風雷

和曹倅賦別

名大發
顓倅

翠松三萬頃松雪著神仙柳院催金鑰江花送玉鞭曉
巖雲壁立晚棹浪規圓未了醉翁事重尋顓上田

當年童子見今見二毛翁海月三秋別江雲一日同鷗
心馳舍北龍尾曳天東定有延和奏南來寄一通

改題萬安縣凝祥觀

古道松花空翠香
風前鬢影照滄浪
飛泉半壁朝雲濕
啼鳥滿山春日長
須信神仙元有國
不知蠻觸是何鄉
道人橫笛招歸鶴
坐到斜暉上壁璫

相如遊獵賦華櫟
壁璫注壁璫以玉

為椽
頭

山中再次胡德昭韻

不將顏色污黃金
落得灞橋驢上吟
是處江山生酒興
滿天風雪得梅心
觥籌堂裏春聲沸
燈火林臯夜色深

人世可能行樂爾重遊不用下晴陰

人生柳絮鬪堅牢過眼春光歎伯勞蜀道漫傳千古險
廬山方許一人高眼前見赤徒妨道耳後生風未當豪
明月蘆花隨處有扁舟自在不須篙

曾見尊前此客哉笑攜麈尾拂莓苔水邊飛雁年年見
湖上新亭日日來
醉菊醉餘披草坐探梅吟罷帶花回
北厓尚被剛風隔笑殺匆匆上馬杯

周蒼崖入吾山作圖詩贈之

三生石上結因緣
袍笏橫斜學米顛
漁父幾忘山下路
仙人時訪嶺頭船
烏猿白鶴無根樹
淡月疎星一線天
為我醉呼添濛濛
倦來平卧看雲烟

宋詩鈔卷一百一